



Synfocity = 896

mail us at : mzsynfo@gmail.com; mizoramsynod@gmail.com - Phone - 2314648

July 6, 2023

- **Synod Zirlai Viltu Committee buatsaihin UPSC Prelims-a tlingte lawmpuina neih a ni**
June 29, 2023 (Ningani) zan dar 7:30 khan Synod Zirlai Viltu Committee chuan Synfo Studio-ah kum 2023-a UPSC Civil Services (Preliminary) Exam-a Mizo tlingte, mi 7 hnenah lawmpuina a hlan.
He hun hi Zirlai Viltu Committee Chairman Rev. Dr. K. Lallawmzualan a kaihruai a, Synod Inkhawmpui 2018 thurel angin kum 2019-ah Zirlai Viltu Committee din a ni a, chu Committee chuan Synod Resource Centre buatsaihin UPSC exams chi hrang hrang atana inbuatsaih duhte tan hman t̄angkai theih a ni a. Zirlai, Pawl XII aṅanga Post Graduate zo tawhte tan, Kohhran pawl eng mah inthliarna awm lovin a inhawng reng a. Tunah pawh hian kumin atan SRC, Synod Conference Centre-ah July 15, 2023 thleng hming a la ziah luh theih reng a ni, a ti.
Zirlai Viltu Committee Secretary Pi Zirkungi Chhakchhuak-in Report pein Zirlai Viltu Committee member-te hmehhriattirna a nei a. UPSC Prelims Exam-a Mizo tlingte hi kum 2021 aṅangin lawmpuina ṭum 2 hlan an ni tawh a, tun hi a ṭum 3-na a ni, a ti a. Vawi khat atan zel lawmpuina hi hlan ṭhin a nih thu a sawi bawk.
Synod Moderator Rev. Dr. C. Chawngminglian an thu tawi sawiin, UPSC Exam-a tlingte inbuatsaih zui zel nan lawmpuina (incentive) hi pek ṭhin a ni a. Bei tham hle mah se, an mamawh leina a lo sut kian ve theih a beisei thu a sawi a. Tling tharte chu beidawng lo tur leh bei zel turin a fuih a, an hlawhtlin hunah pawh Pathian leh ram tan rinawm taka thawk turin a chah bawk. Moderator hian lawmpuina ₹ 50,000/- ṭheuh mi 7-te hnenah a hlan a ni.
Pu Benjamina, IDAS (Rtd)-in fuihna thu a sawi a, hun tawpah Synod Secretary (Sr.) Upa B. Lalhmunlian an ṭawngṭaiin programme hi a khar a ni.
- **Synod OM leh Mizo People Convention (MPC) Manipur Hruaituten inkawm hona an nei**
July 3, 2023 (Thawṭanni) t̄lai dar 4:30 khan Synod OM leh Mizo People Convention (MPC) hruaitute, Synod OM Room, Synod Office-ah inkawm hona an nei a. Tunlai Manipur buaina chungchang thil hrang hrang an sawi ho va, member 12 an tel thei a ni.
Rev. V.L. Luaia Hranleh, Executive Secretary leh Finance Officer-in inkawm hona hi kaihruaiin ṭawngṭaiin bul a ṭan a. Chumi zawhah Mizo People Convention hruaitute hnen aṅangin Mizo People Convention chungchang sawifiahna ngaithlak a ni.
MPC hi Manipura Mizote thawh hona tura pawl din a ni a. Hnam leh hnam inkara buaina a lo chhuah pawha ban phartu ber an ni ṭhin. Remna leh muanna an duh ber a, chumi atan chuan nasa takin an thawk ṭhin a. Manipur-a Zo hnahtlak hrang hrangte intelkhawmna Indigenous Tribal Leaders' Forum (ITLF) din a ni a. ITLF-ah hian department hrang hrang siam a ni a. Relief and Medical Department, Steering/Advisory Committee, Media lam changtu pawl, Volunteer/Defence, Legal Cell, Women Wing, Finance Department, Information and publicity, Intelligence Wing, leh Students Wing te an awm a. Manipur buai vanga tlanchhiate enkawl leh hliam tuarte enkawl hna hi Relief and Medical Department hian an thawk nasa hle a ni. Hetia ITLF ten hma an lak lai hian ITLF tirh ni lo, ITLF hminga vehbur lo khawnte lakah fimkhur turin min chah nghal a. Mizo Synod chauh ni lo, N.E. India huap (NEICC) emaw, PCI General Assembly hming emawa aw neih a t̄angkai dan tur te sawi a ni. Mizo People Convention chuan demand an nei lo va, remna leh muanna awm se an duh ber thu an sawi bawk a. Manipur buaina tuar nasa ber berte chu Vaiphei leh Kuki an nih thu an sawi a. An awm zel dan tur atan thurawn an mamawh thu te sawiin, ṭanpuina pek dawnah pawh ILTF kaltlanga pek a ṭhat tur thu an sawi. Rev. P.C. Pachhunga, Finance Officer-in ṭawngṭaiin hun a khar a ni.
- **Trust**
July 4, 2023 (Thawhlejni) khan Lungleiah Synod ram enfelin Upa Thangliankhuma, A.E. leh Pu J. Malsawma, O/A te an kal.

- ❑ **Synod Bookroom chuan Reduction Sale a buatsaih leh dawn**
 July 10-22, 2023 chhung hian Synod Bookroom chuan Sale Runpui (Reduction Sale) a kalpui leh dawn a, Bookroom Headquarters, Mission veng leh Branch leh Distributor hrang hrangah te Reduction Sale hi kalpui a ni ang.
 Reduction Sale chhung hian Synod Bookroom lehkhabu zawng zawng (Mizo leh English), Bible, Kristian Hla Bu, Kohhran mamawh tinreng, Stationery item chi hrang hrang leh School Naupang mamawhte 5% - 80% discount-in hralh chhuah a ni dawn a ni.
 Synod Bookroom Reduction Sale hi mipuiin lehkhabu tha leina hun remchangah hmangin an hlut hle thin a. Sorkar Office, Kohhran leh Mimal Library neite pawhin a hlawma lehkhabu leina hunah an lo hmang tawh thin a ni.
- ❑ **Synod Mission Board**
- ◆ **Jharkhand Mission Field**
 June 29, 2023 (Ningani) khan Sindurpur Biak In leh Silinghi Biak In thar chu Upa Hmingthanga leh Upa Lallungmuana, Electric Vengten an hawng a. June 3, 2023 (Zirtawpni) khan Jarya Biak In thar chu Upa Hmingthanga a hawng leh a. Heng Biak In sakna senso hi Upa Hmingthanga, Electric Vengin a tum a ni. July 2, 2023 (Pathianni) khan member thar sawm an awm belh a, Northern Evangelical Lutheran Church (NELC) atangin chhungkaw khat (member 4) leh Roman Catholic atangin mi pakhat kan kohhranah a rawn inpe bawk.
 - ◆ **Arunachal & Assam Mission Field (West)**
 July 2, 2023 (Pathianni) khan member thar pali an awm belh.
 - ◆ **Odisha Mission Field**
 July 2, 2023 (Pathianni) khan member thar pali an awm belh.
 - ◆ **Karbi Anglong Mission Field**
 July 2, 2023 (Pathianni) khan member thar pakhat a awm belh.
 - ◆ **Patna Mission Field**
 July 2, 2023 (Pathianni) khan member thar pakhat a awm belh.
 - ◆ **Barak Area Mission Field**
 July 2, 2023 (Pathianni) khan member thar 11 an awm belh.
 - ◆ **Arunachal & Assam Mission Field (North)**
 July 2, 2023 (Pathianni) khan member thar pathum an awm belh.
 - ◆ **Ramthar Campaign**
 July 9, 2023 (Pathianni) hian Armed Veng North Kohhranah Ramthar Campaign nei turin Rev. R. Lalhmingsanga, Board Secretary leh Synod Mission Choir te an kal ang.
- ❑ **Mizoram Christian College (MCC)**
- ◆ July 6, 2023 (Ningani)-a Mizoram University-in B.A leh B.Com Final result a tihchhuahah Mizoram Christian College (MCC) chuan result tha tak an nei a. An result chu hetiang hi a ni:
Bachelor of Arts:

No. of candidates	- 115
No. of passed	- 101
Pass percentage	- 87.83%
Distinction	- 22
1st Division	- 66
2nd Division	- 13

Top ten in English Subject:
 1. F.C. Lalrinsanga (6th position)
 2. Zomuansangi Ralte (7th position)**Bachelor of Commerce:**

No. of candidates	- 10
No. of passed	- 9
Pass percentage	- 90%
Distinction	- 4
1st Division	- 4
2nd Division	- 1

◆ Kum 2023 - 2024 Academic Session chu July 3, 2023 (Thawhṭanni) khan ṭan niin chawhma dar 10:00-ah Synod Higher Secondary School Multipurpose Hall-ah Devotion neih a ni. Vice Principal Dr. Lalthansanga C.-in Devotion a kaihruai a, Principal, Upa Dr. Tawnengan zirlaite fuihna thu ṭa tak, Josefa nun aṭanga entawn tur ngaihnawm takin a sawi a, ṭawngṭairualna hun an hmang bawk. Tunah hian 3rd Semester zirlai 74, 5th Semester zirlai 73 an awm mek a, 1st Semester zirlaite nen an vaiiin MCC-ah hian zirlai 280 an awm a ni.

☐ **Campus Ministry**

July 7, 2023 (Zirtawpni) hian Campus Ministry programme-in W. Phailengah Rev. H.L. Thianghlima, Director; Upa Lalnunsiamia Khalthang, Resource Person; Tv. Lalrinchhana, Counsellor; Pi Lalduhkimi, O/A leh NI. Melody Lalzirliani, Soloist te an kal ang.

☐ **Kohhran Hmeichhia**

July 8-9, 2023 chung hian Leadership Training leh Kristian Chhungkaw Campaign nei turin Central Kohhran Hmeichhe Hruaitute hetiang hian an chhuak ang:

- | | | |
|-----------------------|---|---|
| 1. N. Vanlaiphai Bial | - | Pi Zothanpari, Chairman
Pi Lalhmingmawii, Committee member
Pi Lalchhingpuii, Committee member |
| 2. Mamit Bial | - | Pi Lalengzami, Committee member
Pi R. Tlanghmingthangi, Committee member
Pi Lalmalsawmi Sailo, Committee member |
| 3. Electric Veng Bial | - | Pi Lalmuanzuali, Asst. Secretary
Pi Lalrammawii, Committee member |
| 4. Tipa Bial | - | Pi H. Lalfakmawii, General Secretary
Pi Lalthawmmawii, Committee member
Pi J.H. Lalpekthangi, Committee member
Pi Lalnghakliani, Asst. Coordinator |

☐ **Social Front**

July 8-9, 2023 chung hian Political Education Campaign nei turin Campaigner-te hetiang hian an chhuak ang:

- | | | |
|--|---|--|
| Teikhang Bial | - | Rev. K. Lalrinmawia
Upa Lalhmachhuana
Upa Lalrammawia Ngente
Upa Ricky Lalrammawia Ralte |
| Phuaibuang Bial | - | Upa Lalzuitluanga
Upa C. Chawngthantluanga
Upa H. Ngurthansanga |
| Thaidawr Bial, Chuhvel Bial,
Tuidam Bial leh Suarhliap Bial | - | Upa Kailiana Ralte
Upa R. Lalmalsawma
Upa Lallianmawia
Upa Prof. Lalnundanga
Pu Lalremruata. |
| Chalrang Bial, E. Lungdar Bial,
N. Vanlaiphai Bial, Khawlailung Bial | - | Rev. Vanlalrova Khiangte
Upa Dr. Lalrintluanga
Rev. H. Lalrinmawia
Upa Dr. B. Lalrinsanga. |
| Keiṭum Bial, Bungtlang Bial,
Buarpui Bial | - | Rev. P.C. Pachhunga
Upa Lalbiakzuala
Upa C. Lalduhawma
Rev. Johana. |
| Rawpuichhip Bial | - | Upa Dr. C. Zarzoliana |
| Zuangtui Bial, Ṭhuampui Bial,
Zemabawk Bial, Zemabawk North Bial,
Airfield Vengthar Bial | - | Rev. Lalrinthara,
Rev. Dr. H. Lalnunmawia,
Upa D.P. Biakkhuma
Upa Dr. K.C. Vannghaka |

- ❑ **Revival**
July 8-9, 2023 hian Lungpho Bial Kohhran Committee Retreat hmanpui turin Rev. R.C. Lalngkhakliana, Revival Director a kal ang.
- ❑ **Finance**
July 9, 2023 (Pathianni) hian Hunthar Kohhranah Finance Campaign nei turin Campaigner-te, Upa Lalrosanga Kawlni leh Upa C. Ramtharnghaka te an kal ang.
- ❑ **MSSU**
July 8, 2023 (Inrinni) hian Khatla Kohhranah Sunday School Zirtirtu Training neihpui turin Trainer-te, Upa Lalrosanga Kawlni, Upa K. Zoremsanga leh Upa H. Lalnghinglova te an kal ang.
- ❑ **Synod Relief Fund**
Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Vaikhawtlang Kohhran Biak In lungrem chim siam that nan			₹ 20,000/-
2.	Zohmun Kawnzar	In chhia	1	₹ 15,000/-
3.	Samtlang	Damlo	1	₹ 10,000/-
4.	Mimbung	Damlo	1	₹ 10,000/-
		Belh khawm		₹ 55,000/-

- ❑ **FM Zoawi - Aizawl & Lunglei : Hruaina Eng Radio Programme**
July 7, 2023 (Zirtawpni) @ 7:30 p.m. :
Fakhla huang: Solo : Isaac-a. Thusawi : Rev. Vanlalzuata - Kristian Nun, Rinawmna, Zaipawl : Bawngkawn Bial Zaipawl - Ka Lal Lenna
- ❑ **Susamachar Prasaran Programme :**
July 9, 2023 (Pathianni) 5:30 pm. :
Group/Choir/Solo : Electric Bial Masihi Sangati Zaipawl, Group/Choir/Solo : Chawnpui Kohhran - Saron Ka Gulab, Sermon : Rev. Jimmy Malsawmdawngliana, Group/Choir/Solo : Dawrpui Bial Masihi Sangati - Jaya, Group/Choir/Solo : Chhinga Veng Bial Masihi Sangati Zaipawl - Tere Pass
- ❑ **Hruaina Eng TV Programme**
6.7.2023 (Ningani) 8:16 pm : Synod Music School - Mini Recital 2
7.7.2023 (Zirtawpni) 5:00 pm : Kristian Naupang Pual
8.7.2023 (Inrinni) 5:30 pm : Puitling Sunday School Zirlai
8:30 pm : Rimawi huang
9.7.2023 (Pathianni) 8:00 am : Weekly Round Up
5:30 pm : Su Samachar
10.7.2023 (Thawhtanni) 8:30 pm : Hruaina Eng Luang Chhuak
11.7.2023 (Thawhlehi) 8:30 pm : Nilai Zan thupui zir ho - Synod Worship Committee
- ❑ **Moderator leh Executive Secretary-te Programme:**
Rev. Dr. C. Chawngmingliana : Moderator
July 1-18, 2023 Presbyterian Church of Wales General Assembly hmanpui
Rev. C. Zoramawia : Senior Executive Secretary
July 1-18, 2023 Presbyterian Church of Wales General Assembly hmanpui
Rev. V.L. Luaia Hranleh : Executive Secretary
July 7, 2023 Social Front BEC
July 9, 2023 Bungkawn Kohhran
July 11, 2023 Inkawm ho - Child Evangelism Committee leh NexGEN Organisation
July 16, 2023 Chawnpui Vengthlang Kohhran
Rev. Dr. K. Lallawmzuala : Executive Secretary
July 5, 2023 PCI Finance Committee, Shillong
July 7, 2023 PCI Trust Committee, Silchar